

Convenio entre a Consellería de Educación, Ciencia, Universidades e Formación Profesional e o Concello de Carballo para a impartición de ensinanzas de formación profesional das familias de Hostalería e turismo e Fabricación mecánica

Santiago de Compostela, 2 de xullo de 2025

REUNIDOS

Dunha parte, don Román Rodríguez González, conselleiro de Educación, Ciencia, Universidades e Formación Profesional da Xunta de Galicia, en representación desta consellería, e de conformidade coas atribucións conferidas no artigo 34.1 da Lei 1/1983, do 22 de febreiro, de normas reguladoras da Xunta e da súa Presidencia e nos Decretos 42/2024, do 14 de abril, polo que se establece a estrutura orgánica da Xunta de Galicia e 44/2024, do 14 de abril, polo que se nomean os titulares das consellerías da Xunta de Galicia.

Doutra, don Evencio Ferrero Rodríguez, alcalde do Concello de Carballo en nome e representación do mesmo, designado na sesión do pleno da corporación do 17 de xuño do dous mil vintetrés, que actúa en nome e representación da citada institución e no exercicio das competencias que lle outorga a Lei 7/1985, do 2 de abril, Reguladora das Bases de Réxime Local

Interveñen en función dos seus respectivos cargos e en exercicio das facultades que para convir, en nome das entidades que representan, teñen conferidas.

EXPOÑEN

1. Que no Decreto 107/2014, do 4 de setembro, polo que se regulan aspectos específicos da formación profesional básica das ensinanzas de formación profesional do sistema educativo en Galicia se establecen vinte e un currículos de títulos profesionais básicos, os títulos profesionais básicos terán a mesma estrutura que o resto de títulos das ensinanzas de formación profesional do sistema educativo e incluírán, ademais, as competencias da aprendizaxe permanente. Entre eles o currículo do ciclo formativo de formación profesional básica do título profesional básico en cociña e restauración.

2. Que de acordo coa Orde do 13 de xullo de 2015 pola que se regulan as ensinanzas de formación profesional básica na Comunidade Autónoma de Galicia, así como o acceso e a admisión nestas ensinanzas, establece que os ciclos formativos de formación profesional básica:

- Entre as súas finalidades, contribuirán a que o alumnado adquira ou complete as competencias da aprendizaxe permanente para facilitar a súa transición cara á vida activa ou favorecer a súa continuidade no sistema educativo.
- A súa duración será de 2.000 horas, equivalentes a dous cursos académicos a tempo completo, e organízanse en módulos profesionais de duración variable.
- A súa oferta está destinada ao alumnado escolarizado que cumpra os requisitos de acceso a estas ensinanzas, regulados no artigo 15 do Decreto 107/2014, e cuxo grao de adquisición das competencias non sexa o adecuado para obter o título de graduado en educación secundaria obrigatoria e, malia iso, sexa o adecuado para que poida alcanzar o título profesional básico.

3. Que de acordo co Decreto 46/2010, do 11 de marzo, polo que se establece o currículo do ciclo formativo de grao medio correspondente ao título de técnico en soldadura e caldeiraría, a competencia xeral deste título consiste en executar os procesos de fabricación, montaxe e reparación de elementos de caldeiraría, canalizacións, estruturas metálicas e carpintaría metálica aplicando as técnicas de soldadura, de mecanizado e de conformación, e

cumprindo as especificacións de calidade, prevención de riscos laborais e protección ambiental.

4. Que Forum Carballo é un complexo municipal enfocado á prestación de servizos, á formación e á dinamización do emprego no ámbito do municipio de Carballo e da Costa da Morte.

O proxecto Fórum Carballo integra todas as pezas do armazón que compón a xestión das accións formativas e a posta en marcha dos seus recursos nun único espazo; ten capacidade para desenvolver, nestes momentos, un total de 25 especialidades formativas homologadas que teñen como obxectivo facilitar unha formación axustada ás necesidades do mercado laboral.

5. Que a Consellería de Educación, Ciencia, Universidades e Formación Profesional e o Concello de Carballo están dispostos a colaborar en todos aqueles aspectos que melloren as competencias do alumnado de formación profesional e se adapten ás actuais necesidades formativas do mercado laboral e así conduzan a unha óptima inserción laboral deste alumnado.

6. Que o Concello de Carballo, participará activamente para a implantación de ensinanzas de formación profesional da familia de Hostalería e turismo e da de Fabricación mecánica no concello e, está disposto a colaborar aportando o uso das instalacións e os equipamentos necesarios para ter a oferta das referidas ensinanzas de formación profesional no concello.

En consecuencia, ambas as partes acordan asinar este convenio, que se rexerá polas seguintes,

CLÁUSULAS

Primeira. Obxecto do convenio

O obxecto de presente convenio é establecer a colaboración no eido da formación profesional entre a Consellería de Educación, Ciencia, Universidades e Formación Profesional

e o Concello de Carballo, para a implantación ensinanzas de formación profesional das familias de Hostalería e turismo e Fabricación mecánica neste concello, concretamente o ciclo formativo de grao básico de Cociña e restauración e o ciclo formativo de grao medio Soldadura e caldeiraría, respectivamente.

Segunda. Autorización das ensinanzas

A Consellería de Educación, Ciencia, Universidades e Formación Profesional autorizará no IES Monte Neme de Carballo a posta en funcionamento e organización, para o curso 2025-2026, do ciclo formativo de formación profesional básica de Cociña e restauración e do ciclo formativo de grao medio Soldadura e caldeiraría, previa comprobación de que se cumpran os requisitos de espazo e equipamentos recollidos no Decreto 107/2014, de 4 de setembro e no Decreto 46/2010, do 11 de marzo, respectivamente, e demais normativa de aplicación.

Terceira. Compromisos do Concello de Carballo

O Concello de Carballo pon a disposición as instalacións do Forum Carballo, concretamente no edificio 4 e no edificio 3 que acollen as instalacións das actividades formativas da familia profesional de Hostalería e turismo e de Fabricación mecánica, respectivamente, que dispoñen do equipamento necesario, no horario de impartición das referidas ensinanzas de formación profesional; ademais, farase cargo de seu mantemento, así como tamén dos gastos xerais de funcionamento (electricidade, auga, limpeza, calefacción, internet, teléfono, conserxería, e calquera outros que teñan tal consideración) necesarios para impartición das referidas ensinanzas de formación profesional.

Cuarta. Compromisos do Consellería de Educación, Ciencia, Universidades e Formación Profesional

A Consellería de Educación, Ciencia, Universidades e Formación Profesional aportará o persoal docente necesario e asumirá os gastos de material funxible e de produtos consumibles necesarios para o desenvolvemento das ensinanzas obxecto deste convenio. Estes gastos asumiranse a través das partidas do capítulo I (gastos de persoal) e do capítulo II (gastos en bens correntes e servizos) da consellería, non supoñendo incremento ningún de gasto para a consellería e sen que se realice ningún pagamento ao Concello de Carballo .

Quinta. Desenvolvemento e supervisión das ensinanzas

Estas ensinanzas formarán parte da oferta formativa do IES Monte Neme de Carballo, para todos os efectos académicos e administrativos. Correspóndelle á Consellería de Educación, Ciencia, Universidades e Formación Profesional o establecemento, o desenvolvemento e a supervisión dos plans educativos propios da consellería. O centro, nos seus ciclos formativos específicos, queda sometido ao servizo de inspección educativa da Consellería de Educación, Ciencia, Universidades e Formación Profesional, segundo a normativa vixente para os centros públicos.

Sexta. Comisión de seguimento

Establecerase unha comisión de seguimento, control e supervisión, co obxecto de determinar a programación e o seguimento das accións previstas neste convenio.

Esta comisión reunirse cando se considere oportuno por calquera das partes e estará constituída por:

- Dúas persoas representantes da Consellería de Educación, Ciencia, Universidades e Formación Profesional, unha das cales exercerá a presidencia da comisión.
- Dúas persoas representantes do Concello de Carballo.
- Unha persoa funcionaria da Consellería de Educación, Ciencia, Universidades e Formación Profesional que actuará como secretaria.

Sétima. Vixencia do convenio

O convenio terá a vixencia de catro cursos académicos 2025-2026, 2026-2027, 2027-2028 e 2028-2029, podendo prorrogarse, pola mesma vixencia, por acordo expreso das partes mediante a addenda correspondente. En todo caso, coa limitación establecida no artigo 49.h) da Lei 40/2015, do 1 de outubro. Non obstante, o convenio poderá denunciarse por calquera das partes; a denuncia deberá realizarse por escrito e con tres meses de antelación á data na que se queira poñer fin á relación entre as partes. En todo caso, a supresión das ensinanzas realizarse curso a curso ata a súa extinción definitiva.

Oitava. Extinción do convenio

O presente convenio extinguirase polo cumprimento das actuacións que constitúen o seu obxecto ou por incorrer en causa de resolución.

No caso de resolución do convenio, as partes quedan obrigadas ao cumprimento dos seus respectivos compromisos ata a data en que esta se produza.

Serán causas de resolución:

- a. Transcurso do prazo de vixencia sen haberse acordado prórroga.
- b. O acordo unánime das partes.
- c. O incumprimento das obrigas e compromisos asumidos por algunha das partes.
- d. Por declaración xudicial de nulidade.
- e. Por calquera outra causa prevista nas leis.

Novena. Obrigas económicas

Da aplicación deste convenio non se derivará contraprestación económica algunha entre as partes asinantes do mesmo.

Décima. Protección de datos

De conformidade co disposto na Lei orgánica 3/2018, do 5 de decembro, de protección de datos persoais e garantía dos dereitos dixitais, o alumnado, os centros educativos e o concello que por razón das actividades previstas neste convenio teñan acceso a datos de carácter persoal, non disporán dos mesmos con finalidade distinta á esixida polas accións formativas.

Neste sentido, haberá que atender ao contemplado no Regulamento (UE) 2016/679 do Parlamento Europeo e do Consello de 27 de abril de 2016 relativo á protección das persoas físicas no que respecta ao tratamento de datos persoais e á libre circulación de estes datos e polo que se derroga a Directiva 95/46 CE (Regulamento xeral de protección de datos).

Décimo primeira. Publicidade do convenio, transparencia e bo goberno

A firma deste convenio suporá o consentimento expreso do interesado á administración para incluír e facer públicos os datos referidos ao convenio de conformidade co artigo 15 da Lei 1/2016, do 18 de xaneiro, de transparencia e bo goberno, co artigo 8 da Lei 9/2013, do 9 de decembro, (BOE 10-12-2013) de transparencia, acceso á información pública e bo goberno e co Decreto 126/2006, do 20 de xullo, polo que se regula o Rexistro de Convenios da Xunta de Galicia.

Décimo segunda. Carácter administrativo do convenio

O presente convenio de colaboración posúe carácter administrativo por razón do contido e materias sobre as que o mesmo versa, as cales ao abeiro do disposto na Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, o exclúen do seu ámbito de aplicación, sen prexuízo da aplicación dos principios desta lei para resolver as lagoas ou dúbidas que a súa aplicación suscite, conforme ao contemplado no artigo 4 da citada lei.

Dada a natureza administrativa deste instrumento xurídico, as controversias ou cuestións litixiosas que puideran xurdir na súa aplicación e non puidesen ser solucionadas no seo da comisión de seguimento, serán resoltas pola xurisdición contencioso-administrativa.

E en proba de conformidade co exposto, as partes asinan o presente convenio na data da súa sinatura dixital.

O conselleiro de Educación, Ciencia, Universidades e Formación Profesional

Román Rodríguez González

O alcalde do Concello de Carballo

Evencio Ferrero Rodríguez